



LE GOUVERNEMENT
DU GRAND-DUCHÉ DE LUXEMBOURG
Ministère d'État

Le Ministre aux Relations avec le Parlement

Monsieur le Président
de la Chambre des Députés
Luxembourg

Luxembourg, le 24 janvier 2022

Personne en charge du dossier :
Jean-Luc Schleich
☎ 247 - 82954

SCL : TP - 146 / ak

Objet : Question parlementaire n° 5273 relative aux frais liés au traitement de la Covid-19.

Monsieur le Président,

Suite à la demande afférente de la sensibilité politique « Piraten », j'ai l'honneur de vous faire parvenir en annexe copie de la réponse conjointe écrite de Monsieur le Ministre de la Sécurité sociale et de Madame la Ministre de la Santé à la question parlementaire sous rubrique qui a été déjà répondue oralement par Madame la Ministre de la Santé lors de la séance publique de la Chambre des Députés du 18 janvier 2022.

Veillez agréer, Monsieur le Président, l'assurance de ma haute considération.

Pour le Ministre aux Relations
avec le Parlement

John Dann
Directeur



Gemeinsam Äntwert vum Minister fir d'sozial Sécherheet a vun der Gesondheetsministesch op d'parlamentaresch Fro n° 5273 vum Här Deputéierte Sven Clement a vum Här Deputéierte Marc Goergen iwwert d'Fraisen am Zesammenhang mat der Covid-19 Pandemie

An der Tabell hei drënner, ass eng synthetesch Duerstellung betreffend d'Froen 2, 3 a 4 vun der parlamentarescher Fro vun den honorabelen Deputéierte Sven Clement a Marc Goergen.

| Kategorie vum Spidolsopenthalt | Unzuel vun Openthalter | Duerchschnëtts-käschten ¹ | Median | 90. Perzentil |
|---|------------------------|--------------------------------------|----------|---------------|
| Stationär Behandlung | 1.990 | 17.110 € | 8.085 € | 36.779 € |
| Dovun intensiv Behandlung | 286 | 56.519 € | 36.553 € | 126.692 € |
| Dovun intensiv Behandlung mat Beootmung | 173 | 70.719 € | 53.126 € | 152.440 € |

Quell: Direction de la santé, Datenbanken vun der Sécurité sociale, Rechnung IGSS

D'Bevëlkerung, déi fir dës Berechnungen zeréckbehale gouf, sinn d'Lëtzebuerger Awunner, déi am Moment vun der Spidolsadmissioun eng valid Affiliatioun bei der Gesondheetskeess haten.

Fir dës Käschten ze berechnen, goufe just national Spidolsopenthalter agebonnen déi am Joer 2020 ugefaangen hunn, well fir d'Joer 2021 nach net all Käschten disponibel sinn. D'Käschten, déi fir des Berechnung integréiert goufen, sinn d'Käschte vum Spidolsopenthalt, all medezinesch Akte vun den Dokteren, déi dësem Openthalt kennen zougedeeft ginn a bis haut vun der CNS rembourséiert goufen, esou wéi all aner Akten a Servicer, déi mat engem Openthalt kënne gelinkt ginn (Laboanalysen, Dispositifs médicaux, Medikamenter etc.). D'Käschten an den auslännesche Spideeler, déi ugefall si well ee Patient an ee Spidol am Ausland verluecht ginn ass, sinn hei net mat abezunn.

Et ass awer wichteg dorop hinzewiesen, dass een dës Zuele virsiichteg behandle muss wann et dorëms geet se mat den Zuelen aus Däitschland ze vergläichen. Den Tarificatiounssystem vun de Spideeler an Däitschland baséiert op Forfaite fir verschidde Behandlungen, a fält an d'Kategorie Diagnostic related groups (DRG) System², während zu Lëtzebuerg d'Aktivitéit an de Spideeler iwwert eng "Rémunération à l'activité"³ bezuelt gëtt. Dësen Ënnerschied am Fonctionnement féiert dozou, dass an Däitschland den extreme Wäerter net souvill Rechnung gedroe gëtt wéi dat zu Lëtzebuerg de Fall ass.

¹ De gerechenten Duerchschnëtt bezitt sech op d'Käschte fir d'Joer 2020. Ee Spidolsopenthalt, deen am Joer 2020 ugefaangen huet an am Joer 2021 opgehale huet, ass allerdéngs mat abezunn an der Berechnung. Deemno, si fir dës Openthalter och d'Käschte fir 2021 am Duerchschnëtt mat dran.

² Paiement prospectif basé sur l'activité par patient, le patient étant classé en groupes en fonction des diagnostics et de l'utilisation des ressources.

³ Paiement rétrospectif basé sur l'activité : facturation des services individuels et des contacts avec les patients.



D'Käschten aus dem Spidol spigelen deemno net onbedéngt déi reell Ressourcen zeréck déi fir d'Behandlung vum Traitement néideg waren, mee éischer eng Moyenne vu Ressourcëkäschten déi ee Service am Spidol iwwert dat ganzt Joer bezuelt krut. Zousätzlech ass am Tarif vun der Gesondheetskeess just een Deel vun de Käschten als Amortissement vum Gebai a vun der Infrastruktur dran (20%), an de Rescht ass schonns iwwert de Staatsbudget finanziert ginn⁴.

1. Kënnen d'Ministeren chiffréieren, wéi vill eng komplett Impfung vun engem Bierger/enger Biergerin an der Moyenne kascht, op Basis vu folgende Käschtefaktoren

1. Invitatioun,

2. Werbekampagnen,

3. Vaccin,

4. Honoraire vun den Dokteren,

5. Salaire vun de Persounen am Impfzentrum,

6. Loyeren, Energiekäschten, etc.

Par Rapport wat bis Enn November dem Staat a Rechnung gestallt gouf all, huet eng administréiert Dosis de Staat, all d'Fraisen inclus, ëm déi 60€ kascht. Als Informatioun, 1 Dag op enger Intensivstatioun kascht ëm déi 1.600€ den Dag an dat fir een net Covid Patient. Bei de Covid Patienteleien dës Käschten nach bedeitend méi héich.

2. Kënnen d'Ministeren aschätzen, wéi vill eng stationär Behandlung vun engem Bierger/enger Biergerin wéinst enger Covid-19 Infektioun an enger Klinik kascht?

Am Joer 2020, goufen et 1.990 stationär Behandlungen wéinst COVID-19 am Spidol, déi am Duerchschnitt 17.110€ kascht hunn. Déi deierst 10% vun dësen Openthalter hunn méi wéi 36.779€ kascht. Vu dass de Median-Wäert mat 8.085€ weit ënnert dem Duerchschnitt leit, ginn et eng Partie Openthalter, déi d'Verdeelung vun de Käschten no uewe verzerrt.

3. Kënnen d'Ministeren aschätzen, wéi vill an der Moyenne d'Behandlung vun engem Bierger kascht, dee wéinst enger Covid-19 Infektioun fir d'éischt stationär an dann intensiv an enger Klinik zu Lëtzebuerg behandelt muss ginn?

Am Joer 2020, goufen et 286 intensiv Behandlungen⁵ wéinst COVID-19 am Spidol, déi am Duerchschnitt 56.919€ kascht hunn. Déi deierst 10% vun dësen Openthalter hunn méi wéi 126.692€ kascht. Vu dass de Median-Wäert mat 36.553€ weit ënnert dem Duerchschnitt leit, ginn et eng Partie Openthalter, déi d'Verdeelung vun de Käschten no uewe verzerrt.

4. Kënnen d'Ministeren aschätzen, wéi vill an der Moyenne d'Behandlung vun engem Bierger kascht, dee wéinst enger Covid-19 Infektioun op der Intensivstatioun beotemt muss ginn?

Am Joer 2020, goufen et 173 intensiv Behandlungen mat kënschtlecher Beotmung wéinst COVID-19 an engem Spidol, déi am Duerchschnitt 70.719€ kascht hunn. Déi deierst 10% vun dësen Openthalter hunn méi wéi 152.440€ kascht. Vu dass de Median-Wäert mat 53.126€ weit ënnert

⁴ Art.15 de la loi du 8 mars 2018 relative aux établissements hospitaliers et à la planification hospitalière.

⁵ COVID-19 Patienten déi kënschtlech hunn misse beotemt ginn, sinn hei mat dran.



dem Duerchschnëtt leit, ginn et eng Partie Openthalter, déi d'Verdeelung vun de Käschen no uewe verzerrt.

5. Kënnen d'Ministeren chiffréieren, wéi vill an der Moyenne d'Behandlung vun engem Bierger bis elo kascht huet, dee wéinst de Niewewierkunge vu Covid-19 behandelt gëtt?

6. Hunn d'Ministeren Zuelen zu de Käsche fir de Gesondheetssystem vu Patienten, déi ënnert Long-Covid leiden?

Wat déi materiell Ressourcen ugeet, déi fir de Long Covid Pilotprojet fir eng Dauer vu sechs Méint deblockéiert goufen, sinn nei Technesch Plateaue fir d'Prise en Charge vun de Patiente fir e Betrag vun 257.486 Euro geschaf ginn. Wat déi personell Ressource ugeet, leien d'Personalkäsche bei 12 ETP (équivalent temps plein) fir 6 Méint bei 757.093 Euro.

Déi medezinesch Fraisen am Zesammenhang mat der Prise en Charge vun de Long-Covid Patienten, gi vun der Gesondheetskeess iwwerholl.

Lëtzebuerg, den 24/01/2022

De Minister fir d'sozial Sécherheet

(s.) Claude Haagen